

مشاورت

مطبعه و محل اداره :

ج. ا. اوغوشده امنیت
مندیوخی سوارنده
شنکول بفوشنده
۲۲ نومبر

مسلك. زده و افق آثار
جدیدہ مع الممنونہ
قبول اولنور

درج ایدلہ بن آثار اعادہ اولنار

دیر ، فلسفہ ، علوم ، حقوق ، ادبیات تاریخ ، و سیاسیانہ و بالخاصہ احوال دشتورہ اسلامیدہ بحث ایدر دہفندہ بر نشر اولنور.

آبونه بدلی

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

درسمادندہ نسخہ می ۵۰ بارہ در

قبیلہ دن مقوا بودو ایله کوندرا لیرسه سنوی
۲۰ عروش فضلہ آلدی

۱۰ تموز ۳۳۴

سہ لکی	التی آیلانی	غروش
۶۵	۳۵	۳۵
۶۰۰	۳۰۰	۳۰۰
۱۷	۹	۹
ممالک عثمانیہ ایچون		
روسیہ		
سائر ممالک اجنبیہ		

عدد : ۱۷۶

۲۸ محرم الشریفہ ۱۳۳۰ پنجشنبه ۵ کانون ثانی ۱۳۲۷

بدنجی جلد

داها حضوردن چیقمازدن اول عسکرک حاضر لائمی حقنده امر ویردم. دورت ساعت ظرفنده اون بیک نفر دن عبارت معیتم حاضر لائمی و بنم حرکتیدن اول (ده بوری) به متوجهاً یوله چیقدی. پدرم، بزم اوردونک انتظام استحضارینی کورونجه عمجه مه توجیه خطاب ایله:

— اوغلمله برابر کیتیم ایچین سزک عسکرده حاضر میدر؛ دییه صوردی. — چادر دن باشقه حاضر بر شیئمز یوق. عسکرک بوسفره چیقماسی ایچین بر آی لازمدر. جوابی ویردی. بن بوکاده راضی اولدم و: — سزی غزیننده بکهیم. دیدم. بعده پدرمک الی اوپه رک غزیننه متوجهاً حرکت ایتدم. اوراده یکر می کون بکه دکدن صوکر ا میر شیر علی خانک (کلات غلیجانی) به کلدیکی خبر آلدیم. پدرمه بر عریضه تقدیمیه «عمجه مک معیننده اوچ بیک نفر سواری واردر. بو قدر آزر بر قوت بنم عسکر می مطلق بیراقدن ماعدا کفایت ده ایتمه جه کدر. چونکه بنم ده رفاقمه درت بیک سواری بولونویور. عمجه مه داها زیاده آغیر داورانا جتسه باشقه بر سواری قوتی ترتیب ایدر رک یوللایکیز» دیدم و (مقر) ه عزیمت ایچین یوله چیقدم.

امیر شیر علی خان، حرکتیدن خبردار اولارک (کلات) ی تحکیم واوراده توقف ایتدی. بن، اون ایکی کون ده (مقر) ده بکه دکدن و عمجه مک وروددن امید کسدکن صوکر کلاته طوغرو حرکت ایله دم. مواصلمزک ایرته سی کونی امیر شیر علی خان، (شاه پسندخان) و (فتح محمد خان) ک قومانداسنده اولوق و بزم اوردونک اطرافنه هجوم وینما کرک ایتک اوزره اون بیک سواری سوق ایله دی. بو سواریلرک، اوروددن بر بوچوق فرسخ اوزاقده بوصویه کیرمش اولدقلرینی خبر آلدیم. (بونکک) چشمه سینه کلزدن اول ده بونلرک اسکی بر قلمه داخلنده کیجه نی کچیره جکارینی اوکره ندیم. آلدیغ خبرلر اوزره رینه بیک نفر نظامیه پیاده سی، بیک نفر درانی سواری سی، ایکی طابور پیاده و آلتی طوب ایله جنرال نصیر و عبدالرحیم خانلری (شبخون) یایق اوزره کونده ردیم. شبخون یایلدی: اوچیوزی مقتول، بیکی اسیر اولدقن صوکر دشمن بوزولدی. بزم طرفدن یالکز بر مقتول واردر. چونکه دشمن بر دنبه باصدی رلینی ایچون محاربه یه وقت بولامامشدی. اسیرلری غزیننه یوللادم. امیر شیر علی خان بوهزیمتدن فنا حالد صیقیلوب اون برکون قدر حربه باشلایامادی. بومدت ظرفنده پیاده و سواریلرله عمجه مه ورود ایتدی.

مترجمی

طاهر المولوی

قوت

عالم اسلام ایچون بر درس انتباه

مسلمان قرده شلر!

بو مقاله یه، ده دوغریسی بو موعظه یه هر برکله سی دنیا و آخرنده

یازمشدم. مکتوبی آلینجه کلدی، لکن محاربه یه قاریشادی، اوزاقده طوروب تماشا ایله اکتفا ایله دی. اوغلی محمد عزیز خان ایسه اون یدی یاشنده بر کنج اولدینی حالد یانی باشنده جنک ایدیوردی. عقیب فتحده پدرمدن تهنیت ظفری حاوی بر مکتوب آلدیم. در حال جواب تحریر یله زیارتنه کک ایچین اذن ایستدم. پدرم تکرار بر مکتوب کونده روبر «سز عسکرک باشندن آیرلایک. بن اورایه کله جکم» دیدی. بزم عسکر، درت کون قدر امیر شیر علی خانک خزیننه و اموالی یغما ایله مشغول اولدی. بشنجی کونی پدرم ورود ایتکله تکمیل عسکرله برابر استقبالنه چیقدم و آتدن اینوب خاک باینه یوز سوردم. جناب واهب الی ماله تکرار تکرار عرض شکران ایله دم.

ایرتسی کونی امیر شیر علی خانی تعقیب ایتک ایچون هرات طرفنه عزیمتم قرار لاشدی. پدرمه بنم غیوبتمده امور اداره یه باقاسنی قبول ایله دی. لکن عمجه مه بوکا معترض بولوندی. بنم جانم صیقیلدیغندن کندیسنه:

— مخاطرات حریه دن چکینیور سه کز امیر شیر علی خانک اسارتندن صوکر ا بکا التحاق بویورک. دیدم. فقط عمجه مک سوزلری پدرمی ده قاندر دینی ایچین هپ برلکده کابله کیردک.

اهالی، استقبالزه چیقوب عرض احترام ایله دی. دائرة حکومته کیروب پدرم نامنه خطبه اوقوتدق. رؤسای بلده کلوب بروجه آتی پدرمه تبریک و تهنیه ایتدی:

— امیر دوست محمد خانک بالاستحقاق وارثی بولسان سزک کبی بر ذاتی کمال اشتیاق ایله حکمدار اغمره قبول ایله دک. ذاتاً امیر شیر علی خانک سلطنتنه مائل دکلدک. چونکه بر قارده شنی اولدورمش، دیگر برینی یعنی ذات شها متکزی ده. کندیسندن بویوک اولدیغکزه حالد. حبس ایتمشدی.

§

یاز کونلری انتظام و آسایشه کچدی. پدرم، امور حکومتله اوغراشیوردی. عمجه مه بنم ده عسکرک تعلیم و تنظیمنه چالیشیوردق. صوک بهار ابتداسنده پدرم:

— شیر علی خان حاضر لائمش، کابله طوغرو یورویه جکمش. دیدی.

— چکنکی مظفریتدن صوکر اونی تعقیمه مساعدده بویورمش اولسه یدیکز شیمدی بویله بر حرکته قدرت بولامازدی. جوابی ویردم. پدرم:

— قاچ کونه قدر حرکته مهیا بولونا بیلیرسک؟ دییه صوردی.

— بواشی اوتهدن بری دوشوندیکم و عسکری اوکا کوره حاضر بولوندر دیم ایچین امر ایدرسکزه بونکون یوله چیقما بیلیرم. دیدم. پدرم تعجب ایدرک:

— افغان عسکرینک شو صورتله حاضر بولونماسی ایلک دفعه واقع اولاجقدر. تقدیرنده بولوندی.

سعادت و سلامتمزی موجب اولان بر حدیث شریف ایله باشلیورم .
اخوان دیندن بو موعظه‌نی جان قولاغی ایله دکلیوب واقع اولان خطای
حسن نیتمه باغشلاملرینی خالصانه رجا ایدرم .

ای اخوان دین !

باقکر حضرت پیغمبر نه دیور : « حب الوطن من الايمان » -
وطنی سومک ، وطنه محبت ایتک ایماندندر؛ ایماندن جزؤدر . « فقط
وطنه محبت ایتک همان دلدن وطنی . - ویورم دیمکه اوله‌ماز . قوری
قوری‌یه وطنه محبت وار دیمکه حب وطن اولدینی تصدیق اوله‌ماز . چونکه
معلوم اولدینی اوزره ایمان « اقرار باللسان تصدیق بالقلب » دن عبارتدر
بناء علیه قلبنده ایمان اولیان کیمسه‌نک لساناً کلمه شهادت کتیرمه‌سنه
اهمیت یوقدر . مادامکه رسول اکرم افندمز وطنه محبتیه ایماندن جزؤ
قیلیور . شو حالده وطنی سومک یالکز لساناً وطنه ، مملکتمه محبت وار
دیمکه اولماز . بلکه قلباً وطنه قارشی محبت بسلامک ، وطن حسنی قلبنک
اکدرین گوشه‌سندده محافظه ایتک و بوضوورتله وطنی هر درلو تعرضدن وقایه ایتک .
هر نه صورتله اولورسه اولسون دشمانک تجاوزینه میدان ویرمه‌مک و بونک
ایچون هر درلو اسباب مدافعه‌نی حاضرله مق ایله اولور .

دین قرده‌شلی ! جناب پیغمبر ، وطنی او قدر تقدیس ایتشیرکه :
اکا محبت ایماندن جزؤدر دیمشیر . سوکیلی پیغمبرمزنک وطنه محبت ایماندندر
بیورملرنده نهار بیوک حکمتلر واردر . زیرا بزم ایچون ایماندن دها
عزیز ، ایماندن دها بیوک برشی یوقدر . عندمزه ایمان هرشیدن مقدس ،
هرشیدن مقبولدر . بز هرشیدن واز کچر ز . فقط ایماندن واز کچمه‌یز .
چونکه حقیقه مؤمن اولان بر کیمسه دنیا ده آنجق ، دینی ، عرضی ،
ناموسی ایچون یشار . اونک اوغورنده هر درلو فداکارلنی حتی اولومی
کوزینه آلیر . دیننه ، عرضنه ، ناموسنه قیل قدر لکه کله‌مک ایچون جانی ،
مالی ، قیمتی اولادلرینی فدا ایدرده یننه نابی مسرور اولور . چونکه
اونک عندنده « دین » دن بشقه هرشی دکر سزدر . « دین » یولنده فدا
ایدیلن شیلر هیچدر . ایشه وطنه محبت ده دینک اک اعظم رکنی اولان
ایماندن جزؤ اولدینی سوکیلی پیغمبرمزن بزه خبر ویرسه آرتق حقیقه
مؤمن ، مسلمان اولان ، قلبنده ایمان قوتی بولنان بر کیمسه . وطنی
اوغورنده نهر فدا ایتز ؟

زیرا پک قیمتی اولان دینی ، عرضی ، ناموسی محافظه ایده‌جک
اولان آنجق وطندر . وطن سلامتده اولورسه ؛ وطنه دشمن تجاوز
ایده‌مزنه ؛ وطنی قره یوزلود دشمانلریس ، ملوث آیاقلریله کیرلته‌مازلرسه
سوکیلی ، هرشیدن قیمتی اولان « دین » مزده سلامت بولور ، دینمزنک
بتون احکامی ده ایسته‌دیکمز کی اجرا ایدرز .

سوکیلی قرده‌شلم !

حسن وطن حقتده بشقه برشی ملاحظه ایتکه حاجت یوقدر .
یالکز شو حدیث شریفک معنای منیفنی تمامیه کلامنه چالیشماق کافیدر .
چونکه اک عزیز ؛ دنیا و آخرتده بزی سعادتده ایردیره‌جک یکانه اعتماد
و اعتقاد ابتدیکمز برشی واریسه اوده ایماندر . حب وطنده شو عزیز

ایماندن بر جزؤدر . شو حالده وطنی حمایه و محافظه اوغورنده
چالیشه‌جق اولورسه‌جق ایماندن بر جزؤنی حمایه‌یه ، ایمانمزی قوتلشدیرمکه
چالیشیورز دیمکدر . بو ایسه سعادت دنیویه و اخروییه مزی حمایه دیمک
اوله‌جندده اصلاً و قطعاً شبه یوقدر . بناء علیه دینی ، ایمانی ، عرضی ؛
ناموسی سودن هر کیمسه وطنی ده سودر . وطنی محافظه ایتک ایچون
دکل مال و املا کنی ، حتی جانی بیله فدا ایدر . ذاتاً وطن اولمازسه ،
« معاذ الله » وطن بر کره الدن کیدرسه « دین » نه ایله محافظه اولنور .
وطن پارچه پارچه اولوب دشمانلرک قوجاغنه دوشرسه ایشه اوزمان
نه « دین » قالیر ، نه « ایمان » ؛ نه عرض قالیر نه ناموس ؛ بلکه هپسی دشمانک
چیزمه‌سی آلتنده محو اولور ؛ کیدر . چونکه دشمانک وطنمزه هجوم
ایتمکدن باشلیجه مقصدی عزیز ، سوکیلی دینمزی محو ایتک ، اورته‌دن
قالدرمقدر . بو بر حقیقتدرکه انکاری قابل دکلدر ؛ بونی اجنبی
بیوندوروغی آلتنده آه و آئین ایدن دین قرده‌شلمزنک حالی بزه کوستر-
بیور . او بیچاره مغدور مسلمان قرده‌شلمزنه اوظالملر نهر یامیورلر ؟
مدنیت قاوغلنی ایدن وحشیلر مسلمانلرک هرشیدن عزیز اولان « دین »
لرینه ، عرض و ناموسلرینه و ارنجه‌یه قدر تجاوز ایتمیورلرمی ؟ اوزواللی
مسلمان قرده‌شلمزن سر بست اوله‌رق عبادت ایده‌میورلر ؛ حتی سنه‌ده ایکی دفعه
کلن بیرام نمازلرینی بیله قورقه قورقه قلیورلر . ایشه اوروپالیرک
فکری هپ اسلام مملکتلرینی لرینه آلوب دین اسلامی اورته‌دن
قالدرمقدر . بو حقیقتی تنویر ایچون اوروپا مستشرقلرندن برینک اسلامیت
علپنده سویلش اولدینی هنذیانلری که نوویه‌ورمیا غزته‌سنک ۱۶ ایلول
سنه ۳۲۷ تاریخی نسخه‌سندن نقلاً محترم صراط مستقیم مجله‌سی نظر
عبرتمزه قویمشدر - او قومق کافیدر ، ظن ایدرم . اوت ؛ پترسبورغده
چیقان نیم رسمی غزته‌لردن « نوویه‌ورمیا » غزته‌سنک ۱۶ ایلول سنه ۳۲۷
ما نخی نسخه‌سندده « بودا پشته » دن چکیلن بر تلغرافده : « بوندن صکره اسلامیتی
سافعه ایتک پک فضله‌در . او « اسلامیت » اورته‌لقدن قالمه‌لی . مدنیت
نقطه نظرندن اسلامیتک بقاسی دکر سزدر . زیرا اسلامیت مدنیتک
دشمانیدر . مسلمان پادشاهلنی آرتق سقوط ایتلی (محو اوللی) زیرا
بونلردن هیچ برنده‌داخلا پادشاهلق دنیا‌جک برشیلر یوقدر !..... »
دینیوردی .

مسلمان قرده‌شلم !

مشتشرق معهودک شوبرقاج سطره‌ذیانی ، بزه قارشی اوروپالیرده
نصل برفکر اولدینی آشکار بر صورتده کوستردیکی ایچون بوکا دأر
فضله سوزه لزوم کورمیورم . ایشه ، بو حقیقتلر کنیدینجه معلوم اولان
سوکیلی پیغمبرمزن وطنک قدر و قیمتی تقدیر ایتسونلرده آنی محافظه
ایده‌جک وساطتی استحضاره چالیشسونلر ، وطنی دشمانه قایدن مسونلر
دیهه حسن وطن حب وطن حقتده پک چوق تبشیرات ایله بزی محافظه
وطنه تشویق ایتدیک کی جناب واجب الوجود حضرتلری ده قرآن کریمده
« واعدوا لهم ! » امر جلیل سبحانیسه بزلری ایفاظ و وطنی
محافظه ایتک نه صورتله اوله‌جغنی بزلره ایضاح ایدیور . باقکر بو آیت

کریمه ده جناب نه کی حقیقتلر کوستریور : « مسلمانلر ! سز لر جانلر . یکیزی ، ماللریکیزی ، عرضکیزی ، دینکیزی ، وطنکیزی دشمنلریکیزدن محافظه و آنلری مدافعه ایچون قدرت و قوتکیزک یئتدیکی قدر قوت [طوب ، تفنک ، ماوزر ، زرهلی] و حرب ایچون بسله نوب تربیه ایدلش آتار ، خلاصه حربی قزاقمق نه کی اسبابه متواتر ایسه همه حال آنلری الده ایدوب حاضر لامغه چالیشکیزکه : بویه حربیه حاضر و آماده اولوب قوت حاضر لامکز ایله اللهک و سزک دشمنلریکیزی و سزک بیلیموبده اللهک بیلدیکی دیکر - ایتالیا کی ظاهر آ صلح و مسالمت کوستروب قلبنده خصومت ، دشمنانلق بسله یان - خفی دشمنلریکیزی ترهیب ایدر ، قورقودیرسکیز ؛ سز بو اوغورده هر نه اتفاق ایدر سه کز دنیا و آخرتده آنک مکافات سز لر تماماً ایفا اولنور بو خصوصده عملکیز ضایع و ثوابکیز نقصان اوله رق اصلاً ظلم کورمزسکیز » بوندن [همان حرب ایدر جک کی حاضر بولمقدن] سزک ایچون بک چوق منافع و فوائد حصوله کلیر : بلادکیزه صاحب اولورسکیز ، بلادکیز معمور و آبادان اولور . اکر دشمنی قورقودر جق صورتده بر حاضر لقمده بولمز سه کز دشمن و وطنکیزه طمع ایدر ، سزی ایچندن سوروب چیقارر . جانکیز ، مالکیز ، دینکیز ، عرضکیز ، ناموسکیز آیاقلر آلتنده قالیر .

آه قرده شلر !

دقت ایدیور میسکیز ! بزم دینیز ، بزم کتایمز بزم مسلمانلره نهلر تبلیغ ایدیور ؟ کوریور میسکیز ! قرآن کریمک بو آیت جلیله سی بزه نهلر سویلیور ؟

اوت ! بو نظم جلیل ، هر عصرده قوای حربیه نک اوعصرک ترقیات حربیه سنه کوره تنسیق و تنظیم ایدلسی لزومنه بزلری ارشاد ایدر تعلیم الهی در . آرتق فن حرب نقطه نظرندن شو آیت کریمه نک حائر اولدیغی اهمیت دوشونلیدر .

بو آیت کریمه ده کی اعجاز ، اربابی عقولی ، عقل سلیم احسانی . واله وحیران براقیور . اوت ! بو نص جلیله مندج اولان حکم و اشعار عقللره دهشت القا ایدیور : جناب حق بر طرفدن قوللرینه قوت حاضر لایک دیه امر ایدیور . دیکر طرفدن او حاضر لانه جق قوتک درجه سنی ، مقداری ، نهلردن یا بیلیمسی لازم کله جکنی طاقتک مساعدده سنه ، زمانک اقتضاسنه ، هجومندن قورقیلان دشمنلرک حالنه براقیور . بو نص جلیل الهیده کی ایضاح و ابهامک حکم و اسرارینی تدقیق بزه کوستریور که دشمن نه کی قوته ، آلات حربیه یه مالک اولور سه زده آندن فضله ، یا خود هیچ اولماز سه آکا مساوی بر قوته مالک اولمق ایچون قدرتمزک یئتدیکی قدر چالشمق لازمدر . زیرا ترقیات عصریه یه موافق اولمیان تجهیزات حربیه ایله دشمنک قورقوتیه ماجنی آشکاردر . چونکه دشمنی ، دائماً قارشوسنده بولنان دولتک قوتی ، همان حربیه حاضر و مهیا کی تدارکاتی کورور و کندیسندن فضله بر قوتی حائر اولدیغی حس ایدر سه او دولته قارشو دائماً دوست اولمغه چالیشیر . کر قارشوسنده بولنان دولتک ضعیف اولدیغی آکلار سه دائماً اونک حقوقی آیاقلر آلتنه آلمغه قیام ایدر . ایشه بونک ایچوندر که ، ایتالیا

کی وحشی ، خونخوار ، ظالم ، تربیه مدنییه دن محروم بر حکومت عثمانیلرک شوصیره ده کی ضعیفیتدن استفاده ایدرک ملیونلرجه مسلماننه صاحب اولان بر قطعه یی - طرابلس غربی - ضبط ایتک ، ید قهارانه سنه بکیرمک ، و بو صورتله خلافت اسلامییه بر ضربه وورمق ایستیور ! ! !

اگر بزم بونکون بارباروسلر ، طورغودلر کی اون بش ، یکریمی زرهلی یه مالک اولسه ایدک ؛ حقوق دولی آیاقلر آلتنه آلان وحشی ، وجداندنر ایتالیا قانچقلقه قحبه جه سنه اسلام مملکتلرینه هجوم ایدرک وحشیلره ، باربارلره ، خونخوارلره یاقیشان برطور حرکتله سواحلیمزی ، قیمتی مملکتلریمزی بومباردمان ایدر مز ؛ یوزلرجه معصوم چوجقلری یتیم ، بیکلرجه اسلام قادینلرینی طول ، مسکننر براقه مار ؛ نیجه عبادتخانه لر میزی ، هر و جهله مرحمته شایان خسته خانه لر میزی تخریب ایدر میزدی . بلکه کویکلر کی یالتاقلامغه مجبور اولوردی . فقط وحشی ایتالیا قوه بحریه میز اولدیغی بیلدیکی ایچون صورت وحشیانه ده قصبه لر میزی طویه طوته رق نیجه معصوملری یتیم براقدی .

مسلمان قرده شلر !

بزم حالا بویان اولدیغمز غفلتدن اویانمز و بزم ایچون اجرا ایدیلن بوقدر حقسزلقلردن عبرت آلماز ، دونمامز ایچون بتون وار میزی صرف ایدرک قوتی بردونما صاحبی اولمیه چالشماز سه ق ملت اسلامییه نک آتیسندن قورقولور ! بونکون طرابلس غربیه ایدیلن بو حقسز تجاوزک یارین بشقه ولایتلره اولمیه جغنی بزه کیم تأمین ایدر . ؟ بونکونلرده کید باربارلرینک قودورمش کویکلر کی « یونانستانه الحاق » دیه باغردقلری ، اوراده بولنان اسلاملردن کونده بر قاچ دانه سنی قوربانلق قیون کی بوغازلادقلری هر کسک معلومدر .

بونکون اوچویز آلتش ملیون نفوس اسلامییه انحق بزدن امداد بکلیورلر . بو معذور قرده شلر میزک بتون امیدلری ، دشمنلرینک کرداب اسارتندن قورقوتولملری عثمانی دونماسنک ، عثمانی بایراغنک قوت و بقاسیله اوله جقدر . ایشه بونک ایچوندر که بو دونمائی ، بوشالی بایراغی قوتلشدرمکه چالشان قهرمانلرک ناملری قیامته قدر تاریخک الک پارلاق صحیفه لرنده باقی قاله جقدر .

آرتق بزم عثمانیلر نظر انتباه میز آچلیز ! هیچ اولماز سه ماضیمزدن ، تاریخمزدن عبرت آله رق روح پاک اسلافدن محجوب اولمی و اسکی مظفریتمیزی کوز اوکنه کتیرمه لیز ! بیلرککه بو وطن عثمانینک هر آووج طویراغی بیکلرجه شهیدا قانییه یوغرولمشدر . هپ فتح ایتدی کمز یلر جان بهاسنه در . شمدی خائفانه ، مسکینانه ایدی اعدایه تسلیم می ایدر جکیز ؟ .. ثولومدن ثولومه فرق یوقیدر ؛ وطنی مدافعه اوغورنده شانی بر اولوم ایله اولمک بک چوق حیاته غبطه فرما اولدیغی بیلیمور میز ؟ بناء علیه بو قدر مقدس ، بو درجه معزز اولان مملکت میزی محافظه اوغورنده بتون مللری جان میزی فدا ایتک بزم ایچون ثروت صاحبی اولوبده مسکینانه یشامقدن ده خیرلیدر . ذاتاً اعلاهی کلمه الله

ایچون، مسلمانانی محافظه ایچون مالزی، جانمزی فدا ایده جکمز دائر جناب حق بزدن ازله وعد آلمدی ؟

« ان الله اشترى من المؤمنين...! » آیت کریمه سی بو یولده ویرمش اولدیغمز وعدی کوسترمورمی ؟ آلمزده، اویمزده بولنان کتاب مقدسه بو کبی آیت کریمه بی هر کون کوروب ایشیدرکن، او کتاب مقدس بزله خطاباً : مسلمانانی محافظه چالشمده، آتی دشمانلری نظرند اعلای ایتدکجه سزک ایچون داربنده راحت یوقدر دیه ندا ایدوب چاغیررکن فصل اولورده بز حالا پویان اولدیغمز غفلتدن اویانمورز ؟...

قرده شلر !

کوزمزی دورت آچه حق زمان کلسدر . بلکهده کچمک اوزره بولنیور . اکر بز کوزمزی آچوب اعلای کلمه الله ایچون ، وطنی ، مسلمانانی محافظه ایچون مالزی اونپاره قانجه یه قدر صرف ایدوب قانمک صوک دامله سنه قدر چالشمه جنمزی . کره ارضده بولنان بتون مسلمانلرک « انما المؤمنون اخوة...! » نص جلیلی موجبجه برقردهش ؛ و بلکه « مثل المؤمنین...! » حدیث شریفی مقتضاسنجه بر جسد کبی اولدیغنی و بناء علیه بر بر مرک یولنده جمله مرک فدای جانه حاضر و آماده اولدیغمزی اوروپالیرله قارشى بالفعل کوستره جک اولورسه ق بلکه اوزمان اولورده بر آزانصافه کایرده حقمزی تسلیم ایدرلر . اکر آنلره قارشى بر عزم و جلادت کوسترمزسه ک حقوق مشروعه مزی آیاقلر آلتسه آله جقلری شبه سزدر .

اخوان دین !

کوربیورمینسکر ! « واعدوا لهم...! » امر جلیل سبحانیسنه قارشى بیون اکه دیکمز ، بوامر الهی دن غافل بولندیغمز ، بالعکس بوامر الهی ايله دشمانلریز عامل اولدقلری ایچون عالم اسلامک باشنه نه حاللر کلدی . ؟ اوچوز آلتش ، بلکه دورت یوزمليونه قریب اولان مسلمانک باشنده کی فلاکتی دوشونه ! و بوامر جلیل الهی نک مقتضیاتی اولان قوتی برکون اول غیرت ایدوب الله ایتکه چالشم . ! المزه بر دورین حقیقت آلهرق بتون عالم اسلامک چکدیکی سفالتی ، باشلرنده کی فلاکتی کورمیه چالشم . او قدر اوزاغه کیتمک ایسته مزسه یانی باشمزه فریاد وفغان ایدن « کرید » مظلوملرینه « طرابلس غرب » معصوملرینک حالنه اولسون عطف نظر ایدم ! « کرید » ده کی حقوق مشروعه مزی تسلیم ایدک دیه اوروپالیرله سنه لردنبری باغیروب چاغیردیغمز حالده بزده بر قوت و بر عزم و جلادت کورمدکلری ایچون « لیت ولعل » ايله وقت کچیرملرندن طولانی شوصوک زمانلرده کریدک آلمش اولدینی وضعیتی ، اوت ! بتون متفکرینی بيله دوشوندورن وضعیت سقیمه نک انتاج ایده جکی و خامتی دوشونورکن باشمزه بومسئه مهمه نی هیچه ایندیره جک - برده طرابلس غرب مشاهسی چقیدی . !!!

امان قرده شلر !

کوزلمز کوروب طورورکن ممالک اسلامییه نی تارمار ایندیورسه ک حضور الهی یه هانکی یوز ايله واره جغز ؟ حاکم مطلق اولان جناب

واجب الوجود حضرتلرینک « واعدوا لهم...! » امر صمدانیم ايله بتون بلاد اسلامییه نی محافظه ایتکه کزی امر ایتدی ؟ سؤال جبروتنه قارشى نه جواب ویره جکز ؟ ... کوزلمزی قبادیغمز یه تر ، برآزده آچوب علیهمزده چویریلن - طولابلری کورمکه چالشم ! . بوکون ایتالیا کبی بروحشی ، طرابلس غرب ولایتی کبی برولایتزه جانوارجه سنه هجوم ایدرک بیکلرجه خانمانلری محو و خراب ایدیور . بیکلرجه معصوم چو جقلری اوکسوز بر اقیوردورده اوروپالیرهیچ سس چیقارمیورلر ! آرتق بو حاللر ، اوروپالیرک حقمزه احمای تدریجی اصولی تطبیقه قرار ویردکلرینه شهادت ایتدی ؟ هانی طرابلس غرب وکریده کی حقوق حکمرانی بی حمایه ؟ نروده قالدی اوروپا مدنیته ؟ (!) نروده قالدی عدالت ؟ (!) کونش کبی میدانده اولان حقوق مشروعه مزی ضایع ایتکه چالشیورلر ! اسلاملرک علیه اولهرق اجرا ایدیان ختمسزقلر ، ظلملر ، وحشتلر ... عینی حقیقت ، عینی عدالت ، صرف مدنیته اولهرق کوستریور !!! . فقط برکرده عثمانیلر ، اسلاملرک حقوق مشروعه لرینی مدافعه یه قیام ایدرلرسه او زمانده اسلاملره باربار نامنی وریورلر . ایشته ، اوروپالیرک تعقیب ایتکه اولدینی طریق سقیم عثمانیلر ایچون بلکه بتون عالم اسلام ایچون بر درس عبرت تشکیل ایدیور .

اگر بز بولنرک بو حاللرندن حالا عبرت آلمیه حق اولورسه ق ؛ شمدی یه قدر اولدینی کبی بوندن صکره ده کوزمزی آچازسه ق « معاذ الله » المزده کی اسلام مملکتلری ده یقین زمانده برر برر کیده جکدر . و بوکاده هیچ شبهه ایتمه لیز :

قرده شلر !

بوکون کرید جزیره سنده بوقدر نفوس اسلامییه لایم ولا یحیی اشکنجه لر ایچنده چیرینرکن ، طرابلس غربده بیکلرجه طول قادیلر ، یتیم چو جقلر آج بی علاج چارشیلرده فریاد وفغان ایدرکن ، کوزلمزی مقام خلافته دوغری دیکرک حالت نروده بولنان انسانلر کبی قرده شلریزه امداد ایدک دیه چاغیریشیلرکن حقیقی بر مسلمانم ادعاسنده بولنان کیمسه لر فصل اولورده راحت اویقوده یاتیه یایر ؟ فصل اولورده الله بولنان پاره لری اعانه یه صرف ایتز ؟ فصل اولورده بوقدر مظلومک امدادینه یتشمک ایچون طولانان اعانه لره اشتراک ایتز ؟ عجبا زنکیلر مزی دوشونمورلرمی که ، وطن الدن کیدرسه قزائش اولدقلری پاره لر نه ایش کورر ؟ !! بوکون طرابلس غربده بولنان قرده شلر مرک باشنده کی فلاکت عظمائی دفع ایتکه ، هیچ اولمازسه اولره بیه جک ارزاق ، کیه جک البسه کوندرمک اوزرمزه فرضدر . دیمز اویولده امر ایدیور . بونی بیلدیکمز حالده شمدی یه قدر قاچ غروش اعانه طولادق ؟ زنکیلریمزدن مأمول ایتدیکمز نسبتده قاچ کیشی اعانه ویردی . یازقلر اولسون اوکیمسه لرده کبنای جنسنک چکمش اولدینی محن و مشقت ، کورمش اولدینی فلاکت اوکا هیچده تأثیر ایتز !!!

عجبا ! « مثل المؤمنین فی توادهم...! » حدیث شریفی بنی ذیشان

در سعادت مدارسك صورت اداره سی

ایله

طلبة علومه ویریهلجك مخصصات

حقننده قانون لایحه سی در :

ماده ۱ در سعادتده بولنان عماراتدن بر قسمك لغوندن طولای طلبة علومه تخصیص اولنان بر میلیون ایکی یوزبیک غروش ایله در سعا- دتده کی طلبة علوم ایچون اوقاف بودجه سنه موضوع مبالغ اشبو قانون احکامنه توفیقاً صرف اولنه جقدر .

ماده ۲ مدارسده مدت تحصیل اون ایکی سنه در . درت اولکی سنه تحصیل ابتدائی و بونی ولی ایدن درت سنه تحصیل تالی و صوك درت سنه تحصیل عالی به مخصوصدر ، هر سنه بالامتحان ترفیع صنفه موفق اوله رق برنجی درت سنه بی ا کمال ایدنلره مدرسه تالیه و اوچنجی درت سنه بی ا کمال ایدنلره مدرسه عالی به اجازتنامه سی اعطا ایدیله جکدر .
ماده ۳ مدارس ابتدائی طلبة سنه شهری آلتمش و مدارس تالیه طلبة سنه شهری سکسان و مدارس عالی طلبة سنه شهری بوزغروش معاش ویریهلجکدر .

ماده ۴ در سعادتده مقام مشیختجه تنسیب اولنه جق محللرده سکر مدرسه ابتدائی، یدی مدرسه تالیه، بش مدرسه عالی تشکیل اولنه جق و هر مدرسه درت صنفه تقسیم اولنه جق و هر صنفك موجودی الی طلبة دن عبارت بولنه جقدر .

ماده ۵ مدارسده موجود و مقید اولان طلبة علومدن در دنجی ماده ده کی مدارس طلبة سی عدداینه داخل و اوچنجی ماده ده کی معاشه نائل اوله جقلر مسابقه امتحانی اجرا سیله تفریق ایدیله جکدر .

ماده ۶ هر سنه مدارسده علی الاصول یکیدن طلبة قید اولنه جق ایسه ده بولنلردن معاش اعطا اولنه جقلر مسابقه امتحانه تابع طوتیهلجق و مقداری تحصیل عالی و تالی و ابتدائی طلبة سندن ترفیع صنف و ترقین قید و وفات کی وقوعات سببیه تناقض ایدنلرک مقداری تجاوز ایتمیه جکدر .
ماده ۷ تحصیلك اوج درجه سنده دخی هر سنه تدریسیه نهایتده امتحان عمومی اجرا قلنه جق و ترفیع صنفه موفق اولمایان طلبة سنده ابقا ایدیله جك و عین صنفده ایکی سنه ترفیعیه موفق اوله میانلرک قیدلری ترقین اولنه جقدر .

ماده ۸ تحصیل عالیه بولنه جق بیک طلبة بی هر سنه او مقدار ابللاغ ایچون تحصیل تالی بی ا کمال ایتش اولانلر و تحصیل تالیده بولنه جق بیک درتیوز طلبة بی اتمام ایچون تحصیل ابتدائی بی ا کمال ایتش بولنانلر بیننده مسابقه امتحانی اجرا قلنه جقدر .

اشبو مسابقه امتحانلرینه طشره مدارس سنده تحصیل علوم و فنون ایدوب ما ارسه قید اولنق اوزره مراجعت ایدنلر دخی قبول و بالامتحان قرانه جقلری صنفه قید ایدیلور .

ماده ۹ مدارسده کی طلبة ك مكتب قضاته و دیگر مكاتب عالییه

صلی الله تعالی علیه وسلم افندمرك فم سعادتلرندن صدور ایتمه مش می ؟ مسلمانلرک تعقیب ایده جکی خط حرکتی کوستره بوحديث شریفده هیچده شبه من اولدینی حالد نیچون مدنیت ادعاسنده بولنان تاسلاقلرک ظاهری آلتنده فریاد و فغان ایدن بیکلرجه قرده شلرمرك آه و ایننه اشتراك ایدوبده برجسدکی اولدیغمزی فعلاً اثبات ایتیمورز ؟ ابنای جنسندن جزئی بر مضایقه بی دفع ایتك ایچون دست معاونتی اوزاتانلر حقننده کی تبشیرات آئیه و تشویقات نبویه بی متضمن اولان « من جاء بالحسنة...! » نص جلیل آئیه سی ؛ و « من نفس عن مومن كربة من كرب الدنيا نفس الله عنه كربة من كرب يوم القيامة...! » حدیث شریف نبوی سی عجبا هیچ دویمدقی ؟ یوقسه - حاشا - بوقدر وعد آئیه به اعتمادمزی یوق ؟

ویا خود برقاج کونلك لذائدنیویه بی حد بی پایان اولان نعم اخرویه به ترجیح می ایدیورز ؟ كرك بوراده بالمناصبه ذکر ایتدیكم و كرك بونلرک امشالی بك چوق آیات قرآنییه و احادیث نبویه دن مستبان اولدینی وجهله نظر شریعتده انسانلرک خیرایسی ابنای جنسك الم جسمانی و روحانیسی ایله متالم ؛ و دائماً ابنای جنسنه اللدن كلن معاونتی دریغ ایتیانلردر . « خیر الناس من یفیع الناس » حالبوکه بزلر شرع شریفك تعریفی وجه اوزره حقیقی بر مسلمان اولدیغمزی مقتخرانه برلسان ایله سولدیكمز حالد قرآن عظیم الشانك امرلرینه یناشمیورز !!!

چونكه : قرآن اعلاى كلة الله ایچون مملکتی . مسلمانلری محافظه ایچون الكزدن كلن قوتی صرف ایدك دیه بزلره شدتلی امرلرده بولنیور . بزلر ایسه مع التاسف دینمزی ، مملکتیمزی محافظه ایچون قرق پاره بی ویرمکدن چکنیورز !!! حالبوکه او بر طرفدن بر یونانی چیقیور ، - کندی دینی ویر دیه امر ایتدیکی حالد - دکل قرق پاره ، یدی یوز بیک لیرایی بردن ویریورده بری طرفدن بزم اصلا یوزیمز قزارمیور !!! یازقلر اولسون بویه حیمته !! نرده قالدی دعوی اسلامیت ؟

جمعیت اسلامیه ایچنده موجود اولان بوکی حیمتسز زنکیلریمزه قارشى : « قل ان كان آباؤكم » آیت کریمه سنی ده ذکر ایتمه دن بکجه میه جكم . مأمول که ، انصافه کلیرلر ! خلاصه : اکر بز مسلمانلر دینمزی ، وطنمزی محافظه ایتك ، شان جلیل اسلامیتی اعلا ایدره ك اجانبك تحکمی آلتنده آد و این ایله محو اولوب کیدن بونجه نفوس اسلامیه بی قورقارمق - که دیناً اوزرمزه بورجدر . - ایسترسه ك « واعدوا لهم ! » امر جلیل آئیه سیله مأمور اولدیغمز قوتی حاضر لاق ایچون وارمزی بو اوغورده صرف ایدره ك قائمرك صوك دامله سنه قدر چالشق لازمدر . حتی دیه بیلیرمکه فرانسه قادینلرینك یاپدینی کی قادینلرمنز بتون زینت لری ، حتی قولاقلرنده کی کویله لری بیله دونما اعاسنه ترك ایدره ك عثمانلی قادینلرینك عالجه مسلم اولان حمیتنی برقات دها کوسترملیلردر .

« لن تنالوا البر حتی تنفقوا ! »

« یارب ! مسلمانلری ظالمش اولدقلری غفلت او یقوسندن او یاندر ، اطرافلرینی احاطه ایدن بوفلا کتلردن خبردار ایت ! دعا سیله ختم کلام ایدلم . ومن الله التوفیق والهدایة والنصرة والاعانة افسکیلی

احمد حمیدی